



## МЕСЯЦА МАЯ В 22-й ДЕНЬ

### Святаго мученика Василиска

#### Стихиры, глас 4.

Подобен: Яко дбля:

**У**арство недвижимое, царствовав, приял еси, /  
Василиске славне, / и предстоиши Царю  
сил, / со всеми радуяся Ангельскими воин-  
ствами. / С нимиже поеши, блаженне, / непре-  
станно Божественную песнь, / блистанию и прича-  
щению Божественными светло озаряемь.

**Т**вой нозе связавше, / гвоздми пригвоздиша, /  
егда шествовал еси стезею, радуяся, мучения,  
прехвальне, / сими же попрал еси главу вражию, /  
и до конца сокрушил еси, / и шествовал еси крепко  
шествия Небесная, / Владыце победоносец явлься,  
славне.

**М**олитва твоя израсти древо, / непрозябшее  
первее, / и источник источи живы воды, / течением  
же твоея крове земля освятися, / воздух же душев-  
ным возшествием, пребогате. / Темже верою твой  
святыи совершаем, / Василиске, всепразднствен-  
ный день, / воньже законно подвизался еси.

**Аще убо прилучится в пост, ищи стихиры Богородицы  
сего месяца в 20-й день.**

#### НА УТРЕНИ

**Канон, егоже краегранесие: Превеликаго Васи-  
лиска хвалю. Иосиф. Глас 8.**

## Песнь 1

**Ирмос:** Песнь возслѣм, людіе, чюдному Бѣгу нашему, / свободившему Израіля от работы, / песнь побѣдную поюще и вопиюще: / поим Тебѣ, единому Владѣще.

Сей свѣтлый твой празник благочестно хвалящия, / мучениче многострадальне, Царя Христа моли спасти / и Небеснаго Царствія причастники быти.

Весь любовью Христовою укрепься, пребогате, / плоть преобидел еси, яко растлѣтися хотящу, / и претерпел еси муки, нравом мужественным обличив идольскую прелесть.

Ночь неразумия, просвещением Пресвятаго Духа осияемъ, прешел еси, Василиске, / и страданій свѣтлостію явился еси, яко солнце, / всю тварь свѣтло озаряя.

**Богородичен:** Руно предзряше Гедеон, пречистую утробу Твою, / Росу Небесную, Дѣво, приемшую, / море изсушающую, Отроковице, безбожия / и истаявша напойвшую разумы.

## Песнь 3

**Ирмос:** Ты еси утверждение / притекающих к Тебѣ, Господи, / Ты еси свет омраченных, / и поет Тя дух мой.

Кровию страданія идольское разгорѣние погасил еси / и пищи, мучениче, потока наслаждаешися, радуяся.

Мученика Троицы ты избранна, / двоица, славне, страдалец оставльши, / ко Христу отыде.

Пожидаеши страждущия с тобою, изрешився телесе, / Христа Господа исповедуя, всех Царя, / Василиске многострадальне.

**Богородичен:** Да обрящу Тя, Пречистая, руководящу мя всегда к добродетелем / и к покаяннѣя пути вводящу.

## Седален, глас 1

**Подобен:** Гроб Твой:

Единому Царю ныне предстоиши, радуяся, диадимую свѣтлою / и одеждею, от твоих обагренною кровей, / священно обложен и обожен чистым

прича́тием, / те́мже, днесь всесвяту́ю па́мьятъ твою́  
соверша́юще, поёмъ тя.

**Сла́ва, и ны́не, пра́здника  
или́ Богоро́дичен:**

Упова́ние христиа́н, Пресвята́я Де́во, / Егóже  
родила́ еси́, Бо́га, па́че ума́ же и сло́ва, / непреста́н-  
но моли́ с Вы́шними си́лами / подати́ оставле́ние  
грехо́в на́ших всех и испра́вление жити́я / ве́рою и  
любо́вию при́сно Тя сла́влящим.

**Крестобогоро́дичен:**

Нескве́рная А́гница, А́гнца и Па́стыря, пове́ше-  
на на Дре́ве, ме́ртва зря́щи, / пла́чущи, веща́ше,  
ма́терски восклицáющи: / ка́ко претерпю́ Твое́,  
е́же па́че сло́ва, Сы́не Мой, снíтие / и во́льныя  
стра́сти, Бо́же Преблагii?

**Песнь 4**

**Ирмо́с:** Услы́шах, Го́споди, / смотре́ния Твоего́  
таи́нство, / разуме́х дела́ Твоя́ / и просла́вих Твое́  
Боже́ство.

Землю́ де́лав ра́лом, мучени́че, ду́ши твоея́, /  
сто́рический класъ прине́сл еси́ страда́ния, / в  
житни́цах Боже́ственных соблюда́емъ.

Свяще́нен услы́шал еси́ свы́ше, преблагенне,  
глас, / кончи́ну тебе́ извествующъ страда́ния / и  
лико́м мучени́к сочта́вший тя.

Тве́рдо показу́я, сла́вне, сопроти́вление, / пре-  
терпе́л еси́, вери́гами связа́н, / и преле́сти реша́  
всяку́ союзу́.

Сатану́ удави́л еси́ Боже́ственными, страсотер-  
пче, жи́лами боле́зней твои́х, / те́мже побе́ды  
укра́сился еси́, Васи́лiske мучени́че, венце́м.

**Богоро́дичен:** Отцу́ Еди́носу́щный яви́ся по  
всему́ челове́ком подо́бен, / вопло́щся, я́коже изво́-  
ли, от Твои́х крове́й, Всенепоро́чная.

**Песнь 5**

**Ирмо́с:** Ут́ренююще вопи́емъ Ти: / Го́споди, спаси́  
ны, / Ты бо еси́ Богъ наш, / разве́ Тебе́, ино́го не  
ве́мы.

**Законно** пострадати ведом, / беззаконующих  
силою Духа, мучениче Богомудре, посрамил еси.

**Шествовав** дерзностне стезю мучения, / жала  
сокрушил еси борца, славне.

**Вонзения** твоих гвоздей, Богомудре, водруже-  
ная, / врага борца главу до конца сокрушиша.

**Богородичен:** В подобии плоти родила еси,  
Богородице, / Недомыслимаго и Непостижимаго  
Бога.

### Песнь 6

**Ирмос:** Молитву пролию ко Господу / и Тому  
возвещу печали моя, / яко зол душа моя  
исполнися / и живот мой аду приближися, / и  
молюся, яко Иона: / от тли, Боже, возведи мя.

На древо вознесшагося проповедуя, на суше  
связан был еси древе, / и сие твоих молитв  
одожденьми показуеши сыро / и листвием совер-  
шенным украшено, / на утверждение благочестив-  
ых, Василиске, и славу болезней твоих.

Разрешена ты плотских пристрастий, беззакон-  
нии неправедно связуют, / и железными пригвож-  
дают гвоздми, и долгим путем водят, / кровию всю  
землю освящающая, мучениче многострадальне.

Стоя связан рукама, вперил еси сердечное око к  
Богу / и источник потещи воды живыя Того умо-  
лил еси, / в память твою всеславную и душам ис-  
целение, блаженне.

**Богородичен:** Сокрушения окайнная души моея  
и летныя исцели страсти, / врача бо душ и телес  
несказанно, Дево, рождши, / и спаси мя, на Тя  
надежду мою, Всенепорочная, возложшаго.

### Кондак, глас 8.

**Подобен:** Взбранной:

**В**о страдании крепок и мужествен явился еси и в  
чудесех предивен, / явлено Христово имя  
преднося, мучителя посрамил еси. / Тем ты почитаем,  
Василиске, присно зовуще, всечестне: / радуйся,  
мучеников светлая доброто.

### Песнь 7

**Ирмос:** Отроцы еврейстии в пещи / попраша  
пламень дерзновенно / и на росу огонь преложивша,

вопиюще: / *благословен еси, Господи Боже, во веки.*

**У**крашение мучеников показался еси, / в прекрасных жилищах, преблаженне, живый, / и от нас, любовью ты чтущих, / мирскую бурю отжени твоими молитвами.

**Д**ом Троицы показался еси, / истуканныя же и храмы идольския низлагая, мудре, и поя Владыце: / *благословен еси, Господи Боже, во веки.*

**П**одавает тебе почестъ Владыка, пострадавшу крепко, / и низложшу хитрости вражия, и поющу согласно: / *благословен еси, Господи Боже, во веки.*

**Д**ругая твердь показался еси, яко солнце, страдания стяжав, / и яко звезды, твоих чудес, Василиске, / священную светлость и полность во веки.

**Богородичен:** Се, Юже рече, Деву, Божественным Духом великий Исаия, / во утробе Бога зачат и роди. / Емуже поем: / *Господи Боже, благословен еси.*

## Песнь 8

**Ирмос:** *Победители мучителя и пламене / благодатию Твоею бывше, / заповедем Твоим зело прилежаще, / отроцы вопияху: / благословите, вся дела Господня, Господа.*

**П**обедитель мучителей и духов, славне, лукавствия показался еси, / поя ты укрепльшаго непрестанно: / *благословите, вся дела, Господа и превозносите Его во веки.*

**У**мертвился еси миру, мертвым вдыхающему жизнь Владыце, / Василиске славне мучениче, неуклонно последуя, поеши: / *благословите, вся дела, Господа и превозносите Его во веки.*

**Т**елом муки терпя, твердостью душ, Богомудре, / со безплотными Божественными ликуеши Ангелы, хвалу Богу принося и вопия: / *пойте, вся дела, Господа и превозносите Его во веки.*

**Богородичен:** Явилася еси ширши Небес, вместивши Бога в ложеснах, / тесноты лукаваго избавляющаго вся поющия, Пресвятая Отроковице: / *благословите, вся дела, Господа и превозносите Его во веки.*

## Песнь 9

**Ирмос:** Устрашися всяк слух / неизреченна Божия снизхождения, / яко Вѣшній волею сниде даже и до плоти, / от Девическаго чрева быв Человѣк. / Тѣмже Пречистую Богородицу, вѣрнии, величаем.

**Вѣтрилом,** блаженне, крестным мучения, прешед бурю, / тихое Царствия пристанище достигл еси / и, якоже купец добр, бремя спасл еси благочестия / Христу, всех Царю и Богу нашему.

**Якоже** древле огонь с небесѣ Фесвитянин Илїя сведѣ, / сице, блаженне, твоєю молитвою пламень свел еси, / имже попалися храм идольский, и капища демонская пожгошася, / и Бог Творец величается.

**Телесѣ** разрешаешися, мудре, мечным усечением, / приемшим твой мудрым силам Божественный дух, / победивший благодатию лукавствия лютыя, пребогате, дүхи, / и ныне в Вѣшних живѣши, венценосец, Василїске, Царствия.

**Земля** убо, мучениче, погребением, небо же душею освятися твоєю, Богодухновенне: / якоже бо багрянницею светлою от крове твоея одѣян, / Христу Богу нашему сцарствуеши всегда, / поминая вѣрно поминающих тя.

**Богородичен:** Естеством убо Бог сый, но претерпел еси одѣятися в человека, / в ложесна Непорочная волею вселься, Человеколюбче. / Тѣмже сугубоестественна ведяще хотения Твоѣ, Тя величаем, / Матерь Твою вѣрно ублажающе.

**Святой мученик Василиск** был племянником святого великомученика Феодора Тирона (память 17 февраля) и пострадал с Евтропием и Клеоником во время гонения на христиан императора Максимиана Галерия (305—311). Святые мученики Клеоник и Евтропий были распяты на крестах (память их 3 марта), а Василиск был отправлен в Команы, где содержался в темнице. Правитель Агриппа, прибыв в город Амасию, начал преследовать христиан. Святой Василиск в темнице готовился к предстоящему мученическому подвигу. Во сне ему явился Господь, обе-

щавший Свою помощь, и предсказал ему мученическую кончину в Команах. Святой Василиск просил темничных стражей отпустить его в родное селение проститься с родственниками. Его отпустили, так как почитали за святость жизни и совершаемые чудеса. Придя домой, святой Василиск сообщил родным, что видится с ними в последний раз, и убеждал их твердо стоять за веру.


Когда Агриппа узнал, что святой Василиск отпущен к родным, то пришел в ярость. Жестоко наказав темничных стражей, он послал за мучеником отряд воинов во главе с жесто-

ким магистрианом (помощник правителя). Встретив возвращавшегося святого Василиска, магистриан надел на него тяжелые оковы, а ноги обул в медные сапоги с вбитыми в подошвы гвоздями и отправил в Коману.

Дойдя до одного селения, в знойный полдень путники остановились в доме женщины Трояны. Воины пошли в дом отдохнуть и подкрепиться пищей, а святого мученика Василиска привязали к сухому дереву. Стоя в тяжких оковах под раскаленным солнцем, святой молился Богу. Внезапно послышался Голос свыше: «Не бойся, Я с тобою». Земля заколебалась, и из скалы забил источник. Магистриан, воины и Трояна, испуганные землетрясением, выбежали из дома. Пораженные происшедшим чудом, они освободили мученика от уз. К святому мученику приходили больные жители селения и получали исцеления по его молитве.

Когда наконец мученик предстал перед Агриппой, тот повелел ему принести жертву языческим богам.

Мученик ответил: «Я всякий раз приношу Богу жертву хвалы и благодарения». Его повели в капище, где на святого Василиска мгновенно с Неба сошел огонь, который сжег капище, а стоявших в нем идолов сокрушил в прах. Тогда Агриппа в бессильной ярости приказал отсечь святому Василиску голову, а тело его бросить в реку. Кончина мученика последовала в 308 году. Христиане вскоре выкупили святыне мощи мученика и ночью тайно погребли на вспаханном поле. Через некоторое время на этом месте была построена церковь во имя святого мученика Василиска, в которую перенесли мощи. По святым молитвам мученика стали совершаться исцеления. Святителю Иоанну Златоусту (память 13 ноября) перед его кончиной, происшедшей в Команах, явился во сне святой мученик Василиск и произнес: «Завтра будем вместе». О подвиге святого мученика Василиска поведал миру очевидец его страданий, святой Евсигний (память 5 августа).



В  
ТОЙЖЕ  
ДЕНЬ

## Святаго великомученика Иоанна-Владимира, князя Сербскаго

### НА МАЛОЙ ВЕЧЕРНИ

#### На Господи, возвах: стихиры, глас 1.

Подобен: Всехвальный мученицы:

**О**блиста днесь нам богозарное торжество / чуднаго в мученицех и добляго страдальца, / знаменоснаго Иоанна князя, / егоже чудодействия воспойм, / от раки его здравие почерпающе / и всяких недуг и бед избавление.

**З**везда всесветлая показался еси, присносияющая, / и чудодействитель предивный всем облистал еси, / благочестивых священное собрание / уясняя и соблюдая, Владимире, молитвами, блаженне, / сего ради ты почитаем, / хваляще светлыя подвиги твоя.

**Я**ко А́нгел яви́лся еси́ в плóти, / воздѣржник  
преподóбен, / Крестителя́ яко тезоимѣнный, / тѣм-  
же сподóбился еси́ в ви́де орла́ ви́дети Божѣствен-  
наго А́нгела: / показу́юща ти Крест, благода́ти  
тезоимѣнне, / Егóже ра́ди пострада́л еси́, / от безза-  
ко́нных во главу́ усечѣн, / за ре́вность ве́ры  
Правосла́вныя.

### Сла́ва, глас 5:

**С**теце́мся, бра́тие, / и с любóвию при́йдем во  
всечестный́ храм, / знаменонóснаго кня́зя и вели-  
комученика, му́драго Владíмира, / и чу́дную миро-  
поло́жницу егó телесе́ почита́юще, / вѣсело торже-  
ству́юще, / и похва́льными сегó пѣсньми воспо́йм: /  
ра́дуйся, князѣм сла́во и мучеником удобре́ние, /  
славя́ном похвалó, Илли́рику и Миссии предстáтеле-  
лю, / хранителю́ Алба́нии, / заступни́че и чудотвор-  
че Иоáнне всесла́вне, / иже по Христе во главу́  
усечѣн был еси́, от сво́их сый, / и сию́ ўбо чу́дне  
сво́йма рука́ма / прине́сл еси́ Царю́ веко́в, жѣртву  
непорóчну, / яко всеплóдие свяще́нное и дар  
многоче́нен; / тѣмже, всеблаже́нне, мироточи́ве и  
всечу́дне, / яко дерзнове́ние имѣя, моли́ о нас, / иже  
любóвию соверша́ющих свяще́нную и всепра́здн-  
ственную па́мять твою́.

### И ны́не, пра́здника.

### На стихóвне стихи́ры, глас 2.

**Подóбен:** Дóме Евфра́фов:

**Н**ося́ в рука́х / главу́ твою́, всеблаже́нне, / отсече́-  
ну от беззакóнных, / мученичества́ венѣц / при́ял  
еси́, о Владíмире.

**Стих:** Пра́ведник, яко́ фíникс процветѣт, / яко́  
кедр, иже в Ливáне, умно́жится.

**О**ру́жием креста́ / злосѣрдных ополче́ния / расто-  
чи́л еси́ до́блественне / и победíteль показáлся  
еси́, / пострада́в, приснопáмятне.

**Стих:** Возвеселíteся пра́ведник о Го́споде, / и  
упова́ет на Него́.

**Ра́ка** честна́го / и мироточи́ваго дрéвля / се  
благоухáет, / лѣтнюю благода́ть / приходя́щим по-  
дава́ет.



**Слава, глас и подобен тойже:**

**Троицу Честную / и Богоначальную / вси, Отца же и Сына / и Духа Всесвятаго, / православно восхвалим.**

**И ныне, Богородичен**

**Свѣше лики ангельстии, / Богородице Дѣво, / поют с дѣльными / и со страстотѣрцем / Рождество Твое, Пречистая.**

**Тропарь писан на велицей вечерни.**

**Слава, и ныне, Богородичен.**

**НА ВЕЛИЦЕЙ ВЕЧЕРНИ**

**На Господи, возвах: стихиры, глас 4.**

**Подобен: Яко дѣбля:**

**Яко древо всеплодное, / разумно возрасл еси / во вертограде страданий, всечестне, / испущая Божественная дарования / и источники исцеления от всечестныя раки твоея, / из неяже вси почерпают здравие телесем, / страдальцев красотѣ, Иоанне, / сего ради ты почитаем, / яко молитвенника душам нашим.**

**Возлюбившаго ты Господа / паче естества возлюбил еси, / и плоти возненавидел еси сладострастие, / и Христу последовал еси, / Крест на ramo взем, мучениче, / радуясь, и к нуждной смерти шел еси; / сего ради, всеблаженне, / восхваляем в псалмех и пѣснях / светоносное твое страдание.**

**Яко добре воинствовал еси Царю силам, / себе самаго предал еси, Владимире, / под меч волею, вѣю подложив, / совокупляясь мученическим ликом, всеблаженне, / и сподобился еси венец победы прияти, / с нимиже ныне молися о нас, чудотворче.**

**От славян возрасл еси, Иоанне блаженне, / яко шипок благоуханен и миродѣшущ, / Богу угодил еси постом же, и моленьми, и бденным стоянием, / молитвы возсылая Господеву от чиста сердца; / сего ради похваляем доблести твоя.**

**Щитом благочестия защити ты Господь, / сильна содела ты, / ко противлению злокозненным изшедша, Иоанне славне, / и мечем терпения твоего**

погубил еси, Владими́ре, сих ко́зни, / и венце́м  
побе́ды увязлся еси, / знаменонóсне всечúдне.

**Ца́рствия украсил еси оде́жду войстинну / кро-  
вёй мученических, сла́вне, / и, уясни́в óную, ересей  
мглу разгна́л еси / и лю́ди просвети́л еси, / изьяс-  
ня́я догма́ты Божество́нныя благода́ти, / правос-  
ла́вно в Тро́ицу ве́ровати, / Еди́но Естество́, нераз-  
де́льно Трёми Ли́цы сущую.**

### Сла́ва, глас то́йже:

**Воссия́л еси, сла́вне, / я́ко звезда́ у́тренняя, в  
земли́ запа́дней, / Иоáнне блаже́нне, / до́бро бо и  
пра́ведно владе́вый, / и, Крест Го́спода твоего́ на  
ра́мо взем, / Христу́ послéдовал еси́, я́ко друг  
при́сный; / те́мже мо́лимся ти, свя́те: / моли́ о душа́х  
на́ших.**

**И ны́не, Богоро́дичен: Ё́же Тебе́ ра́ди:**

**Вход. Прокíмен дне и чтéния мученическая (зри  
страницы 121—122).**

### На литии́ стихи́ры, глас 1:

**Учени́к и послéдователь быв / Еди́носущны́я  
Тро́ицы проповéдателем и исповéдником / и с ни́ми  
по благочести́и гоним, / ме́чную смерть, Иоáнне  
блаже́нне, подъя́л еси́, / ерети́ческая языкобо́лия  
победи́л еси́, / я́ко и мученическим венце́м укра-  
си́лся еси́ от Христа́ Бо́га, / и дерзнове́ние има́ши  
моли́ти, / изба́виться от бед соверша́ющим па́мь  
твою́.**

**Глас 2: Прииди́те, ве́рнии, / почти́м страсотёр-  
пца Христо́ва Иоáнна сла́внаго, / я́ко до́бляго  
во́ина, до́бре подви́завшагося по благочести́и, /  
ца́рем и мучи́телем крéпость низложившаго, / те́м-  
же дерзнове́ние имéя к Бо́гу, / непреста́нно мо́лит  
спасти́ся душа́м на́шим.**

**Благода́ти тезоимéнному зва́нию твоему́, / де-  
я́нию подобно́ я́ко войстинну, / показáл еси́ де́в-  
ственную чистоту́. / Усво́ился еси́ Христу́ благово-  
ле́нием Отца́ / и соде́йстви́ем Свята́го Ду́ха; / муче́-  
ния же борéньми / со́лнечных луч светле́йше  
облиста́л еси́. / Те́мже, я́ко жёртва чиста́ и непо-  
ро́чна на Небе́сней трапéзе, / принёслся еси́ со  
де́вственными и мученики, / во век свесе́ляся, / с**

ними проси́, Ио́анне всехва́льне, Христа́ / дарова́ти нам мир и ве́лию ми́лость.

**Благочести́ваго Ио́анна па́мять и мирото́чца днесь яви́ся: / Христа́ бо возлюбив, и и́долов прелесть уничто́жив, / и храм воздви́же на земли́ / Распéншемуся нас ра́ди, / на Небеси́ восприя́л еси́ наде́жды венéц.**

### **Сла́ва, глас 6:**

**Прииди́те, вси ве́рнии, соше́дшеся днесь, / восхва́лим Ио́анна чудоно́снаго: / сей бо, земно́е ца́рство оста́вив, / и настоя́щая ни во что́же вмени́в, / ору́жием Креста́ обо́лкся, / Христу́ последовав, / и неконча́емое Ца́рство Небе́сное прияти сподо́бися, / я́ко ве́рный раб Бо́га Вседержи́теля. / Те́мже мо́лим тя, свя́те: / предва́ри и изми́ нас от вся́кия ну́жды, и напа́стей, / и бу́дущаго Суда́ прещéния / моли́твами тво́ими ко Го́споду.**

**И ны́не, Богоро́дичен или́ пра́здника.**

### **На стихо́вне стихи́ры, глас 6.**

**Подобен: Все отлóжше:**

**Наро́ды дивля́хуся, чу́до ужа́сное зря́ще: / ме́ртва ты седя́ща, сла́вне Влади́мире, на ме́сте, / в рука́х нося́ща отсече́нную главу́ твою́ честну́ю, / ю́же принéсл еси́ во храм Господень, / моля́ся, ду́шу твою́ блаже́нную преда́л еси́ Всецарю́, / ю́же прие́мь, совокупи́ а́нгельским ликом и святы́м всем: / наслажда́тися при́сно све́та незаходи́маго Трисо́лнечно́го Сия́ния.**

**Стих: Пра́ведник, я́ко фи́никс, процветéт, / я́ко кедр, и́же в Лива́не, умно́жится.**

**Друго́е яви́лся еси́ со́лнце во князéх, / кня́же и страда́льче Влади́мире, / на твёрди ве́ры Божéственныя, / пода́я свет благода́ти приходя́щим вседу́шно в покрóв твой, / ты бо в чудесéх жи́ва и умéрша просла́ви / и исцелите́ля показá призыва́ющим и́мя твоё / всех Слы́шатель и Подáтель, / кому́ждо проше́ние, Божéственными моли́твами тво́ими подава́я.**

**Стих: Возвесели́тся пра́ведник о Го́споде / и упова́ет на Него́.**

**Прииди́те, поклони́мся, лю́дие, в дому́ Господнем, / иде́же честно́е тéло положи́ся преблаже́нна-**

го; / со свѣтлыми свещами, в пѣснях да воспойм,  
 молящися: / святе, предварѣ, и сущия в нѣждах  
 заступѣ, / и волнѣние утиши и бурю скорбѣй, / да  
 святую и честную твою раку почитаем, / о Иоанне  
 блаженне, молитвенниче о душах наших.

### Слава, глас тойже:

Непобедим душею страдалец, / княже благоче-  
 стивый, / славяном славо и всему Иллирику и  
 Миссии удобрѣние, / Албании щит и забрало, /  
 твоими чудесы укрощаеши неистовство сих сви-  
 репейших варвар: / аще не бы ты защищал, / кто  
 бы постоял толикому свирепству, / грех ради  
 наших наносимому? / Темже, яко предстатель теп-  
 лейший, / предварѣ молитвами твоими, блаженне  
 Иоанне, / и изми нас от настоящих бед, / яко имея  
 дерзновение ко Христу Богу, / тя прославльшему.

### И ныне, Богородичен или праздника.

### Тропарь, глас 4:

**К**рест, явльшийся тебе с Небес, светел пропове-  
 дал еси, / просветив языки ясно, Владимире  
 славне, / обагреными кровей твоих украсився, /  
 сподобился еси почестей нетленных, / предстои  
 Троице, / тем со дерзновением / моли спастися нам.

### Ин тропарь, глас тойже\*:

**К**рест, явльшийся тебе с Небес в блистании,  
 всем проповедал еси, / просветив языки верно,  
 Владимире славне. / Искуплением же, кровью  
 твоими возблестав, / сподобился еси мзды неле-  
 стныя, предстои Троице. / Темже дерзновенно  
 моли Христа спастися нам.

### НА УТРЕНИ

### По 1-м стихословии седален, глас 1.

Подобен: Гроб Твой, Спасе:

От рода сербскаго, чудне, израстл еси, / Духа  
 Святаго явися сосуде чистейший, / мучеников  
 похвало, венценосче святей, / испроси у Владыки

\* Сей тропарь употребляется в Болгарской Церкви.

твоего / просветити души поющих ты, всеблаженне Иоанне.

**Слава, тойже. И ныне, праздника**

**По 2-м стихословии седален, глас 8.**

**Подобен: Премудрости слово:**

**Крест Господа твоего якоже возлюбил еси втайне, / мученическим венцем украсился, царю приснопамятне, Небеснаго Царя угодниче, / к Немуже дерзновение стяжав, / моли непрестанно, Иоанне всечестне, Христа Бога прегрешений оставление даровати / празднующим любовью святую память твою.**

**Слава, тойже. И ныне, праздника.**

**По полиелен седален, глас 8.**

**Подобен: Премудрости слово:**

**Земная вся оставив, Царство возлюбил еси Небесное, / Христу последовал еси, мучеников сопричастне, / плотския бо страсти умертвил еси / и, крест на рамо взем, страдальче блаженне, / недуги врачуши неизцельныя болящим Креста силою и благодатию. / Темже моли Христа Бога, Иоанне всечестне, / согрешений оставление даровати / празднующим любовью святую память твою.**

**Слава, и ныне, Богородичен:**

**Стена непобедимая нам, христианом, еси, Богородице Дево, / к Тебе бо прибегающе, невредими пребываем / и, паки согрешающе, имамы Тя Молитвенницу. / Тем, благодаряще, вопием Ти: / радуйся, Благодатная, Господь с Тобою.**

**Степенна, 1-й антифон 4-го гласа. Прокимен, глас 4: Праведник, яко финикс, процветет, / яко кедр, иже в Ливане, умножится. Стих: Насаждени в дому Господни, во дворех Бога нашего процветут. Евангелие от Луки, зачало 63.**

**По 50-м псалме стихира, глас 2:**

**Блаженне Иоанне, / мучеником славо и царем похвало, / подражатель Крестителю быв, славне, / завистию главую твою отсекоша / безстуднии срод-**

ницы супружницы твоея, / и, сию приём своима рукама, / вшел еси в место, / идеже сокровище втайне обрёл еси Небеснаго Царствия, / и ныне моли о любовь чтущих тя.

**Канон праздника или Богородичен: Многими содержим напастьми: И канон святого, глас 4, егоже краестрочие: Праведнаго пою Иоанна владыку.**

### Песнь 1

**Ирмос:** *Моря черную пучину / невлажными стопами / древний пешествовав Израиль, / крестообразными Моисеевыми рукама / Амаликову силу в пустыни победил есть.*

Божественнаго страдальца днесь песнями почтим, / Иоанна, сошедшего вкупе, / Христови поработав чисте, / яко друг присный.

Иже вся добродетели твоя провидяй Бог, / втайне творимая тобою, Богомудре страдальче, / ликом праведных сочетая тя, славне.

Чертога земнаго, блаженне, ошаваяся, / мученическую претерпел еси язву, святе Владимире, / темже, раби твой, хвалим тя, всеизрядне.

**Богородичен:** Моления и молитвы, Пречистая, ныне Тебе приносим, / даждь нам свыше, Благая, милости Твоя, / рабски молим Тя, Богоблаженная.

### Ин канон, глас 6.

### Песнь 1

**Ирмос:** *Яко по суху пешествовав Израиль / по бездне стопами, / гонителя фараона / видя потопляема, / Богу победную песнь поим, вопияше.*

Кто изречет чудеса даров, яже Христос подаде тебе, / страдальче Христов Иоанне славне? / Темже облистаети, яко светильник досточудный.

Всю твою имея надежду к Богу и мысль, блаженне, / о временных и тленных отнюд небрегл еси, / сего ради и венец от руки Господни приял еси.

Ныне в Вьшняя домы твою душу Христос прият, / мужемудренне страдальче, / в Небесная сокровища положи на вечное пребывание.

**Богородичен:** Невѣсто Божія Пресвятая, хри-  
стианъ стено необоримая, / воспевающая Тя  
присно / от всех зол избави и прегрешений лютых,  
Богородительнице Чистая.

**Катавасия по уставу.**

### Песнь 3

**Ирмос:** Веселится о Тебе Церковь Твоя, Христѣ,  
зовущи: / Ты моя крепость, Господи, / и прибежи-  
ще, и утверждение.

Исцели верно ко храму твоему тщащихся / бед, и  
скорбей, и всяких неду́г, му́дре.

Добре и богочестне ты царствовал еси на  
земли, / исполнь Божественнаго Свѣта, / идеже  
ныне наслаждаешься, веселяся.

Святым на Небесех соводворяясь, / Христови  
молися дати нам оставление грехов / и искушений  
избавление.

**Богородичен:** Видевше людие чудес Твоих бога-  
тыя дары, / Мати Божія Богоневѣсто, / темже Тя  
славим.

### Ин

**Ирмос:** Несть свят, / якоже Ты, Господи Боже  
мой, / вознесый рог верных Твоих, Блаже, / и  
утвердивый нас на камени / исповѣдания Твоего.

На недвижимем камени Христовых заповедей  
утвердися, / никакоже поколебася умом, / темже  
мученическим ликом счислился еси, досточудне.

Все желаніе Христово имѣя в сердце твоѣм, /  
яже от мѣста на мѣсто гоним, / о страдальче  
Иоанне, претерпел еси твердо, / темже и просла-  
вился еси.

Ныне веселится верно град Дирахиа, / идеже  
лежит тело твоѣ священное, блаженне, / неду́ги  
всем исцеляет, ту сущим.

**Богородичен:** Ты еси мост, Чистая Богородице  
Дѣво, / к стези Небесней наставляющая верныя, /  
присно Рождество Твоѣ хвалящая, Пречистая.

### Седален, глас 1

**Подобен:** Гроб Твой, Спасе:

Облиста нам память праведнаго, / яко солнце на  
земли, лучи простирая концѣм, / и вся православи-

ныхъ воздвѣже во умилѣнии звати ему:/ царю,  
царей славо, верно ты ублажаемъ.

### Слава, и ныне, Богородичен:

Всехъ Творца, Сына Твоего и Зиждителя, Пренепорочная Чистая, / Божественная Духомъ во чреве зачала еси и без истлѣния родила еси. / Егоже славяще, Ты хвалимъ, Дѣво, / яко палата Царя славы и мірови прибежище.

### Песнь 4

**Ирмос:** Вознесена Ты видевши Церковь на Крестѣ, / Солнце Праведное, / ста в чине своемъ, / достойно зываючи: / слава силе Твоей, Господи.

Вся твой провидяй Бог, всеблаженне, / яже втайне молился еси, Иоанне Богомудре: / Христосъ ты прослави / и со всеми святыми счисляя ты, яко Человеколюбецъ.

Ныне ты славимъ, Богомудре Иоанне славне: / Христови бо поработав, род, величество и славу временную, / мучениче, нивотже вменил еси.

Песньми вси согласно ты хвалимъ, / яко пристанища Небесная достигша, / ветрилы воскриляемъ Креста благодатию, / мучениче, радости тезоименне.

**Богородичен:** Мати Пречистая, Дѣво Богородительнице, / Ты хвалимъ, вси роди человечести, / Тобою спасаемии, и Ты молимъ: / избави нас от бедъ молитвами Твоими.

### Ин

**Ирмос:** Христосъ моя сила, / Бог и Господь, / честная Церковь / боголепно поетъ, зываючи, / от смисла чиста, о Господе празднуючи.

Благоухаетъ, премудре, рака твой Божественная, / идеже лежитъ священное тело твоѣ, блаженне, / дары исцелений источаетъ почитающимъ ты.

Храмъ твой утвердил еси, всеславне страстотерпче, / идеже ныне источаетъ исцеления / всевятая рака твой, Иоанне всечестне.

**Богородичен:** Жизнь прозябла еси, Зиждителя всехъ, Пренепорочная, / содержащаго вся рукою Своєю / и мудростию и разумомъ небеса утвердившаго.



## Песнь 5

**Ирмос:** Ты, Господи, мой Свет, / в мир пришёл еси, / Свет Святы́й, обраща́я из мра́чна невѣдения / вѣрою воспева́ющия Тя.

Побѣду тебѣ Христосъ свѣше подаде и крѣпость на сопротивныя, / Богомудре Иоанне всеблаженне.

О блаженне, страдальцев единоправне, / славо праведник, / и нам, хвалящим тя, предстатель непреборимый.

Видевше вернии чудес дарования, Владимире честне, / от священнаго ковчега твоего точащаяся исцеления.

**Богородичен:** О Владычице Богомати Чистая, / призри на нас ныне, недостойныя, / вѣрою и любовью воспева́ющия Тя.

### Ин

**Ирмос:** Божиим светом Твоим, Блаже, / утренюющих Ти души любовью озари, молюся, / Тя ведети, Слове Божий, / истиннаго Бога, / от мрака греховнаго зыва́юща.

Желанием Божественным объят к вечнующим воздаянием, / муки претерпел еси / и от места на место прогоняемъ, в постѣ и бдении претерпева́я.

Силою Божественною возмогая, / вся вражия коварства нивчтоже во умѣ вменил еси, блаженне Иоанне.

Крест Христовъ в руки твои́я взем, / взялся еси́ к Божественным селениемъ.

Совершающим святую и честную память твою, страдальче, / помогаеши всегда, вреда душетленного сих избавляя / и к Богу приводя ходатайствы твоими.

**Богородичен:** О нас, грешных, призывающих Тя, Владычице, миру Благая Помощнице, / Сыну Твоему́ и Богу молюся, / да избавит нас от бед и обстояний.

## Песнь 6

**Ирмос:** Пожру Ти со гласом хваления, Господи, / Церковь вопиет Ти, / от бесовския крове очищися / ради милости от ребр Твоих / истекушею Кровиюю.

**Свѣше** Христос тебе венец дарует, о Иоанне всеблаженне, / ради в бдениих молитв твоих, / яже втайне Богу совершал еси, благодатне.

**Победу** тебе всех Бог дарует, Иоанне Богомудре, / и мы почерпаем исцеления от святых твоих мощей.

**Чертога** временнаго избегл еси, славне, / и греха сего, и беседы женския, / желанием Креста в главу усечеса.

**Богородичен:** Еди́на словом Слово породила еси, / Иже безсловесия всякаго человека избавльшаго / Горняго Своего Царствия причастники показавшаго.

**Ин**

**Ирмос:** Жите́йское море, / воздвизаемое зря напастей бурею, / к тихому пристанищу Твоему притек, вопию Ти: / возведи от тли живот мой, / Многомилостиве.

**Мечем** тцашеса царства земнаго лишити тя, славне, / и в багрянцу свѣше оболкса.

**Непреборим** быв искушении вражиими, / вжигаем Духом, приял еси орошение от Него, / источник чудес показался еси миру, всеславне.

**Егда** к подвигу дошел еси, славне, / руками прерадостно держа Крест, взывал еси: / Ты ми буди Предстатель и Поборник.

**Богородичен:** Еди́на, порождшая всех Творца, / всегда о всех молися, / любовью чтущих верно Рождество Твое.

**Кондак, глас 8**

**Подобен:** Взбранной:

**Я**ко сокровище многоценное / и источник, точаш земным токи, / недуги очищающая, / нам подадеса тело твоё священное, / болезнем различным подающе исцеление / и благодать Божественную притекающим к нему, да зовем ти: / радуйся, княже Владими́ре.

**Икос:**

**Свѣше** подадеса тебе царствия держава, всечудне Иоанне, и Безплотных гласы, / Или́рии веру проповедал еси и вся просветил еси. / Тем зовем с

любовию тебе таковая: / радуйся, верных князей славо; / радуйся, страдальцев украшение; / радуйся, сетей вражиих разрушение; / радуйся, догматов Христова веры утверждение; / радуйся, возвышение князей благочестивых; / радуйся, глубино смирения вод Небесных; / радуйся, стяжавый ревность Предтечу; / радуйся, яко в руках твоих жребий держиши; / радуйся, звезд, светящая концем; / радуйся, источниче Божественнаго оставления; / радуйся, имже прелесть угасися; / радуйся, имже вера утвердися; / радуйся, княже Владимире.

### Песнь 7

**Ирмос:** В пещи авраамстии отроцы персидстей, / любовию благочестия паче, / нежели пламенем, опаляеми зываху: / благословен еси в храме славы Твоея, Господи.

Ныне в Вышнее Царство всели тя Христос, / благочестно послуживша Тому, блаженне, и верно зовуща: / благословен еси, Боже отец наших.

Обладаеши всею Иллирическою землею, славне, / владя в ней и зывая: / благословен еси, Боже отец наших.

От Вышних ты Господь прослави, Владимире, / и мы любовию празднуем память твою, с тобою зывающе: / благословен еси, Боже отец наших.

**Богородичен:** Воспеваем Тя, Владычице, / всех Зиждителя на объятиях носила еси; / благословенна Ты в женах, Пренепорочная Приснодево.

### Ин

**Ирмос:** Росодательну убо пещь / содела Ангел / преподобным отроком, / халдеи же опаляющее / веление Божие мучителя увещая вопити: / благословен еси, Боже отец наших.

Албании показался еси звезда присносияющая, / в нейже лежит честное тело твое, творящее чудеса преславная, блаженне, / на просвещение благочестно блажащих тя.

Просветився твоими страстьми, блаженне, осияя твердь блистающую, / изводя благодать зовущим ти согласно и Христа воспевающим: / благословен Бог отец наших.

**Весéлия и радóсти испóлненный, / прáзднственную пáмять твою, Владíмире, святу́ю соверша́юще, вопи́ем Христú: / благословéн еси́, Бóже отéц нáших.**

**Богорóдичен: Егóже родилá еси́, Дéво Пречíстая, Гóспода, / избáвити от кля́твы весь род челове́ческий / моли́, Всенепорóчная Влады́чице.**

### Песнь 8

**Ирмо́с: Ру́це распротéр, Дани́л / львов зи́яния в рóве затчé; / о́гненную же си́лу угаси́ша, / добродéтелию препоя́савшися, / благочéстия рачи́тели, óтроцы, взывáюще: / благослови́те, вся дела́ Гóсподня, Гóспода.**

**Возжелáл еси́ Крест Христóв, слáвне, / и благода́ть при́ял еси́ цели́ти притека́ющия ти тéплою véрою и вопи́ющия: / вся дела́, по́йте Гóспода.**

**Вся провíдяй Бог де́яния тво́я / нýне тебе́ даровá чудéс преслáвная, Емúже поéм: / вся дела́, по́йте Гóспода.**

**Пáмять твою́, Богомúдре, вси вéрнии, пéснями слáвим, / и святóе успéние твоé воспевáем, / и Рождéнному от Дéвы вопи́ем: / вся дела́, по́йте Гóспода.**

**Нас, хвáлящих тя, Богомúдре, / и притека́ющих ко хра́му твоёмú, не прéзри, но научи́ вопи́ти: / Гóспода по́йте, дела́, и превозноси́те во вéки.**

**Богорóдичен: Невéсто Неневéстная, Госпоже́ Пречíстая, Мáти безмúжная, / славослóвим Тя, Всесвятáя, вопи́юще: / вся дела́, по́йте Гóспода.**

### Ин

**Ирмо́с: Из пла́мене преподóбным рóсу источи́л еси́ / и прáведнаго жéртву водо́ю попали́л еси́: / вся бо твори́ши, Христé, тóкмо éже хотéти. / Тя превозно́сим во вся вéки.**

**Нýне раду́ется град Дира́хиа свéтло, / тя предстáтеля имúщи и избáвителя, всемúдре, / нóвое бо солнце возсия́л еси́, озаря́я по́ющия тя.**

**Отягчéни вельми́ от нестерпíмых зол лóдие твои́ вéрнии, чтúщия тя, / ихже тво́ими к Бóгу моли́твами избавля́еши при́сно, / воспевáющих Христá во вéки.**

От всякия нѹжды избáви рабы твоя, / ѿже пáмьять твою творящя, мѹчениче Христѹв, / и вѣрно хвáлящя Христа во вѣки.

**Богородичен:** О Пресвятáя Дѣво Богородице! / Тебѣ вси слáвим, рѹждшюю Зиждителя всех, / еже избáвитися нам от искушѣний и бед.

### Песнь 9

**Ирмос:** Кáмень неруко́сѣчный / от несекóмыя горы, Тебе, Дѣво, / краеуго́льный отсечѣся, / Христос, совокупивый разстоящяся естества. / Тем, веселящяся, Тя, Богородице, велича́ем.

Приими моли́твы, всеблаже́нне, от пою́щих тя с любовью / и даждь твою́ благодáть рабѹм твоимъ.

Царю́ Иоáнне Богомѹдре, / нам, вѣрою приходя́щим ти, / разрешѣние грехѹв испроси́ у Христа Бѹга.

Побѣду тебѣ всех Влады́ка подаѣт свѣше, страстотѣрпче святе, / ты же не престáй о нас моля́ся.

Ви́дел еси́, я́ко другий Константѣн, блаже́нне, Крест Господень, / егѹже вождѣнием возшѣл еси́ на мѣсто, / идѣже ны́не притека́ющии приѣмлют исцелѣния.

Пострада́л еси́ законно любовью всех Царя́, / и возсия́л еси́ в мѣре зарями́ исцелѣний, / и тьму прѣлести отгна́л еси́, Правосла́вием удобря́емъ.

**Богородичен:** Избáви нас от бед находя́щих / и Гѹрняго блаже́нства досто́йны покажи́, Богороди́тельнице, / Тя велича́ющих.

### Ин

**Ирмос:** Бѹга / челове́ком невозмѹжно ви́дети, / на Него́же не смѣют чѣни а́нгельстии взира́ти; / Тобою́ бо, Всечы́стая, явѣся челове́ком / Слово воплоще́нно, / Егѹже велича́юще, / с Небѣсными вои́ Тя ублажа́ем.

Приста́нице дѹброе имѹщий Дира́хийев град, Иоáнне блаже́нне, / ны́не к Бѹгу предлага́ет тя ходáтая, / моля́щяся о нем и о всех нас.

Земля́ кровь твою́, страда́льче, / якоже Áвелеву дрѣвле, приѣмъ, взывáше, / убийце ищá отмщѣния.

Беся́ся, окаянный твой срѹдник / главѹ твою́ честнѹю отсечѣ, злоковáрный, / ты же, сию́ приѣмъ,

притекл еси на место упокоения, / он же разсѣдся,  
яко Иуда и льстец.

**Богородичен:** Мудре человека прежде созда  
Сын Твой, Дѣво, / и истлѣвша, Тобою обновѣ,  
Всепѣтая, / и Божественнаго свѣта исполни всех,  
Тя, Богородицу, славящих.

### Светилен

Подобен: Женѣ, услышите:

Христос возвеличив тя в чудесѣх, / якоже Своего  
слугу, Владими́ре-Иоанне, / Сего моли дати грехов  
оставление / в пѣснях всечестную память твою  
совершающим.

### Слава, и ныне, Богородичен:

Маріе Чистѣйшая, златая кадильнице, / невме-  
стимаго Божества пріятелище бѣвшее, / в немже  
Отец благоволи, Сын же вселіся, / и Дух Святыи,  
осенив Тя, Отроковице, показав Богородицу.

### На хвалитѣх стихирѣ, глас 8

Подобен: О, преславнаго чудесе:

Приидіте, соберітеся вси / во святѣм храме  
треблаженнаго Иоанна, / и прославим Господа, /  
подавшаго тому благодать / исцелений даров то-  
чїти. / О, всеблаженне, Ангелом сопрічастне, /  
моли Христа Бога, / да спасет души наша.

Мучениче Иоанне славне, / Крест Христов все-  
душно на рамена взем, / к Нему притекл еси  
терпением твоим / и сим, блаженне, / изсушил еси  
поток страстей; / радуясь, тело твоѣ к заколению  
предал еси, / темже твою главу / венчав Великода-  
ровитыи.

Страстию страсти живоносней Христа подра-  
жая, / от Негоже дѣйствие чудес прїял еси, /  
Владими́ре страсготерпче, / и спасаеши притека-  
ющія к тебѣ / от бед и искушений, / Емуже  
предстои со дерзновением / во славе некончаемей.

Мечѣм во главу усечен, / от жизни сея к Жизни  
присносущней, от смерти к безсмертию, / от тлѣ-  
ния к нетлѣнию прешел еси, / не ожидая естества  
мертвость, / но самовольно умерети изволяя. / О,  
подвига твоего, / мучениче всеславне, / имже счис-  
лился еси ликом страдальцев, веселяся.

### Слава, глас 3:

**Оста́вив мир и жити́е привре́менное / и возжелáв Крест Пречестный, / возше́л еси́ в Го́рняя Царств́ия, / я́ко оре́л высокопа́рный, Иоáнне всехва́льне; / сего́ ра́ди и мы от твои́х моще́й дарова́ния прие́млем, / ми́ром истоща́емым помазу́емии, / страстоте́рпче Христо́в всечúдне, / от недúг исцеля́емии. / Ты же на Небесе́х со А́нгелы ликúеши, / испроси́ нам оставле́ние грехо́в у Христа́ Бо́га / и ве́лию ми́лость.**

### И ны́не, пра́здника или́ Богоро́дичен

**Богоро́дице, Предста́ельнице всех, моля́щихся Тебе́, / Тобо́ю дерза́ем и Тобо́ю хва́лимся, / и в Тебе́ все упова́ние на́ше есть, / моли́ Ро́ждшагося из Тебе́ / за непотре́бныя рабы́ Тво́я.**

### Славосло́вие вели́кое и отпу́ст.

#### НА ЛИТУРГИИ

**Блаже́нны от обои́х кано́нов. Прокíмен, глас 4: Возвесе́лится пра́ведник о Го́споде / и упова́ет на Него́. Стих: Пра́ведник, я́ко фи́никс процвете́т, / я́ко кедр, я́же в Ливáне, умно́жится. Апóстол в Де́яниях, зача́ло 24. Аллилу́ия, глас 7: Честна́ пред Го́сподем смерть преподо́бных Его́. Стих: Что возда́м Го́сподеви о всех, я́же воздаде́ ми? Ева́нгелие от Иоáнна, зача́ло 52. Прича́стен: В па́мьять ве́чную:**

**Святой мученик Иоанн-Владимир, король Сербский**, принадлежал к благочестивому царскому роду, владевшему княжествами Захумле и Превала. Он вступил в управление Сербией во второй половине X века и правил Зетой и другими областями в Иллирии и Далмации. С детства святой Иоанн-Владимир был наделен духовными дарованиями: кротостью, смирением, благоразумной молчаливостью, отличался богобоязненностью и чистой жизнью, равнодушием к земным благам. Он изучил воинское дело и стал выдающимся полководцем, но продолжал отличаться примерным благочестием, хорошо знал Священное Писание, был милостив к бедным. Благодаря этим качествам ему удалось многих еретиков-богомилев вернуть в Православие. Как монарх он пользовался всеобщей любовью, кото-

рую приобрел мудростью и добротой. Святой Иоанн-Владимир посылал в народ учителей веры, что способствовало утверждению Православия и искоренению ересей. В его царствование было открыто много больниц, странноприимных домов и монастырей.

Ведя столь богоугодный образ жизни, король Иоанн-Владимир был вынужден непрестанно бороться с внешними (царь Болгарский Самуил и император Византийский Василий II Македонянин) и внутренними (богомилы) врагами. Однажды царь Самуил напал на сербов с большим войском. Король Иоанн-Владимир уклонился от битвы и обосновался со своей дружиной на высокой горе Облик (или Косогор). Здесь его люди стали страдать от укусов ядовитых змей. Святой Иоанн-Владимир со слезами стал молиться Богу о помо-

щи, и Господь внял его молитве.

Некоторое время царь Самуил не мог нанести поражения осажденным сербам, но местный князь оказался предателем. Когда сербы поняли, что поражение неизбежно, святой Иоанн-Владимир собрал своих людей и сказал им: «Лучше будет, если я положу душу свою за вас и добровольно предаю свое тело на смерть, чем вы пропадете от голода и меча». Сказав это, он простился со всеми и отдал себя в руки царю Самуилу, который заключил его в темнице города Пресна.

Святой Иоанн-Владимир непрестанно молился в темнице, и ему был послан ангел Божий, который укреплял его дух и предсказал освобождение, а впоследствии мученический венец.

Дочь царя Самуила Косара, или Феодора, отличалась милосердием и часто обходила темницы. Она любила молодого красивого пленника и умолила отца, который ни в чем ей не мог отказать, отпустить его. Царь Самуил женил святого Иоанна-Владимира на своей дочери и вернул ему трон.

Вернувшись домой, король Иоанн-Владимир предложил Феодоре жить целомудренно, во исполнение заповеди Христовой (Мф. 19, 10—12; 1 Кор. 7, 29). Феодора послушала его, и так они жили, любя Бога и управляя своим народом со страхом Божиим.

Тем временем произошли изменения в Болгарском царстве. Умер царь Самуил, был убит его сын Гавриил; на престол взошел Владислав — недоброжелатель святого Иоанна-Владимира. Святому Иоанну-Владимиру было видение: он увидел орла, несшего крест. Птица парила над лесом, затем опустилась и положила крест на землю. Блаженный король поклонился кресту и воздвиг на этом месте храм, в котором молился днем и ночью, ожидая мученического конца.

Царь Владислав замыслил присоединить к своим владениям державу святого Иоанна-Владимира и с этой целью позвал его к себе будто бы для заключения какого-то договора. Напрасно Феодора, предчувствуя недоброе, убеждала мужа не ехать. Святой Иоанн-Владимир прибыл в Пресну. Увидев подходившего короля, Вла-

дислав выхватил меч и ударил святого Иоанна-Владимира, но не смог причинить ему вреда. Святой сказал ему: «Хочешь убить меня, брат, но не можешь!» И, вынув свой меч, отдал ему, говоря: «Возьми и убей меня, готов на смерть, как Исаак и Авель». Владислав, помраченный умом, схватил меч и отсек голову мученику. Обезглавленный Иоанн-Владимир взял свою отсеченную голову, подъяехал на коне к храму и сказал: «В руке Твои, Господи, предаю дух мой». Убийца бежал в ужасе. Так принял мученическую смерть блаженный Иоанн-Владимир 22 мая 1015 года.

В первую ночь после погребения святого над его могилой был виден чудный свет. Это так напугало Болгарского царя, что он отдал тело святого его супруге Феодоре и разрешил его погребение, где она пожелает. Вдова положила тело мужа в храме во имя Пресвятой Девы Марии в Краине; приняв монашество, она провела остаток жизни вблизи гроба любимого мужа (впоследствии она была погребена рядом с ним).

Царь Владислав погиб при осаде сербского города Драча в начале 1018 года. Ему внезапно явился воин с ликом святого Иоанна-Владимира, а когда он в ужасе бросился бежать, ангел Божий поразил его.

Святые мощи короля Иоанна-Владимира около 1215 года были перенесены в г. Драч, затем в монастырь святого Иоанна в Албанию. В этой обители, посвященной королю-мученику, было явлено много чудес. Память святого мученика Иоанна-Владимира чтити сербы, албанцы и греки, называя его чудотворцем и мироточцем. Святому королю-мученику вскоре были написаны служба и житие сначала на сербском, затем на греческом языке. Впоследствии сербский текст был утерян и хилендарские монахи Лука и Парфений вновь перевели службу и житие с греческого на сербский. Они внесены в Сербляк в 1861 году митрополитом Белградским Михаилом. В 1925 году святому мученику Иоанну-Владимиру воздвигнут храм в монастыре во имя святого Наума на Охридском озере. На иконах святой часто изображается с царской короной на голове, в правой руке он держит крест, в левой — свою голову.





Святáго праведнаго Иáкова Боровítскаго  
(Слúжбу зри 23 октябрá)

Тропа́рь, глас 1:

**Б**ожественною благодáтию просветívся, / и по смёрти дáруеши исцелéние / притекáющим к тебé, премúдре Иáкове: / тёмже и мы нýне чтим честныхъ мощéй пренесéние, / веселяще вкúпе дýши и телесá. / Тем вси вопиём: / слáва Дáвшему ти крéпость! / Слáва Венчáвшему тя! / Слáва Дéйствующему тобóю всем исцелéния!

Кондáк, глас 8

Подóбен: Взбрáнной:

**В**éroю и любóвию / твоé честнóе пренесéние прázднующих, блаженне, / сохрани́ и соблюди́ от всякíа злóбы и соблázна зми́на, / имаши бо дерзновéние ко Влады́ще всех, Христú Бо́гу. / Егóже моли́ спасти́ правослáвныя лóди, / моля́щия тя, да вси вопиём ти: / рáдуйся, óтче Иáкове, / всея Россíйския землí удобрéние.

Ин кондáк, глас тóйже:

**Я**ко звезда́ многосвётлая, óтче, на восто́це возсия́, / к запа́ду пришёл еси́, блаженне, во твоé принесéние, / я́ко солнечная лучá, испущáеши исцелéния притекáющим к ра́це мощéй твоихъ, / моли́ся Христú Бо́гу спасти́ правослáвныя лóди, моля́щияся ти, / да вси вопиём ти: / рáдуйся, Богомúдре Иáкове.

Сведения о святом праведном Иакове Боровитском см. в изд.:  
Миней-Октябрь, Приложение (Житийные справки). М., 1980, с. 46.

